



Inuit Ataqtigiit sinnerlugit Inatsisartuni ilaasortaq Sofia Geisler

### § 37 2021/94, danskit peqqissaasut akuersissutaat nunatsinni peqqissaasutinnut tunngasumut apeqquteqaammut akissuteqaat

Asasara Sofia Geisler, Inuit Ataqtigiit.

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saqqummiussa qarputit. Naalakkersuisut apeqqutigineqartunut qujapput, taakkulu tullinguuttuni issuarneqarput akineqarlutillu akissutillu kingulianniittut atuarneqarsinnaapput.

**Apeqqut 1:** Napparsimasunik paarsisut Nunatsinni ilinniarsimasut akuersissummik autorisationimik pissarsisinnaanerannut periuousit allangortinneqarsimanerannut suna tunngaviunersoq pillugu Naalakkersuisut qinnuigineqarput ilisimatitseqqullugit.

#### **Akissut:**

Naalakkersuisut danskit Peqqinnissaqarfimmi naalakkersuisoqarfiat aamma Napparsimasut isumannaallisaavigineqarnerat pillugu Aqutsisoqarfiat (Styrelsen for Patientsikkerhed) oqaloqatigereerpai, taakkulu ilisimatitsipput Nunat Avannarliit maannamut isumaqatigiissutaat<sup>1</sup> atuuttoq naapertorlugu 2020-mi februaarip aallaqqaataaniit Kalaallit Nunaanniit peqqissaasutut ilinniarsimasut akuersissummik qinnuteqarnerat suliarisimalugit. Suleraatsip allangortinneqarnerani Naalakkersuisut ersarissumik isumaqatigiisuteqarfigineqanngillat. Taamaattumillu Peqqissutsimut Naalakkersuisoqarfik Kalaallit Nunaat aamma Danmark akornanni illugiimmik peqqissaasut akuersissummik periarfissaat qulaajaleruttorpaat.

Inussiarnersumik Inuulluaqqusillunga

Kirsten Fencker

---

<sup>1</sup> Bekendtgørelse af overenskomst af 11. december 2018 om anerkendelse af erhvervsmæssige kvalifikationer for visse personalegrupper inden for sundhedsvæsenet og om udveksling af oplysninger om tilsyn med visse sundhedspersoner mellem de nordiske lande